



Ured Premijera

Predmet: Saopštenje za javnost, dostavlja se

Na osnovu pribavljenih procjena Općinskih štabova civilne zaštite o sigurnosti putnih komunikacija, stanju školskih objekata, snabdijevanja pitkom vodom i električnom energijom kao i higijensko-epidemiološke situacije obavještavamo javnost da će od **26.05.2014. godine (ponedjeljak)** početi odgojno-obrazovni proces u sljedećim općinama:

- Općina Breza- sve osnovne i srednje škole;
- Općina Visoko- sve osnovne i srednje škole;
- Općina Kakanj- sve osnovne i srednje škole;
- Općina Zenica- sve osnovne i srednje škole osim OŠ "Ćamil Sijarić" Nemila, kao i za učenike srednjih škola sa područja naselja u Babinu;
- Općina Doboj Jug-OŠ "21. Mart" Doboj Jug;
- Općina Usora- osnovna i srednja škole;
- Općina Vareš- sve osnovne i srednja škole,
- Općina Tešanj- sve osnovne i srednje škole.

U navedenim školama nastavna godina će biti završena prema važećem Nastavnom kalendaru, uz obavezu realizacije nastavnog programa.

U sljedećim općinama odgađa se izvođenje nastave do daljnjeg, i o početku i načinu realizacije odgojno-obrazovnog procesa škole će biti blagovremeno obaviještene:

- Općina Zavidovići- sve osnovne i srednje škole, dok se ne osiguraju uvjeti za higijenski ispravnu vodu za redovnu upotrebu,
- Općina Olovo- sve osnovne i srednja škola;
- Općina Maglaj- sve osnovne i srednje škole osim OŠ "Novi Šeher" u Novom Šeheru

Obavještavaju se roditelji/staratelji da mogu djecu upisati u najbližu osnovnu ili srednju školu, a škole se obavezuju da prime djecu iz ugroženih područja, bez obzira da li u momentu prijavljivanja posjeduju potrebnu dokumentaciju.

Također, škole su u obavezi stalnog kontakta sa štabovima civilne zaštite i službama za epidemiološku zaštitu, a u slučaju da voda za redovnu upotrebu bude higijenski neispravna, obavezno osiguraju pitku vodu za učenike, nastavnike i osoblje škole.

